



Fréttabréf Naustaskóla

1. tölublað, 4. árgangur, 3. janúar 2011

Ábyrgðarmaður: Ágúst Jakobsson

Námsaðlögun • Athvarf • Umhyggja • Samvinna • Táp og fjör • Allir með!

Smíðjutímabilamót

Þann 17. janúar verða skipti á smíðjum, þ.e.a.s. þá víxlast nemendahópar í sumum verkgreinanna þannig að t.d. sumir byrja en aðrir hætta í heimilisfræði, smíðum, textílmennit o.s.frv. Þetta hefur engin áhrif á íþrótt- og sundtíma sem haldast á óbreyttum tímum.

Nemendadagurinn

Föstudaginn 28. janúar nk. ætlum við að brydda upp á nokkurri nýjung hjá eldri nemendum skólans. Þá verður "nemendadagurinn" sem felst í því að nemendaráð tekur að sér stjórn skólans ákveður hvernig skólastarfið eigi að vera meirihluta dagsins. Dagskrá verður nánar auglýst þegar nær dregur....

Nýr starfsmaður

Nú í ársbyrjun bætist í starfsmannahópin hjá okkur en þá kemur Magnús Blöndal Jóhannsson inn sem stuðningsfulltrúi í 8. bekk. Magnús hefur verið töluvert hjá okkur í afleysingum í haust sem skólaliði og er því nemendum að góðu kunnur, en kemur nú inn í tímabundna stöðu fram á vorið.

Kæra skólasamfélag

Enn á ný kom nýtt ár með hvelli og eldglæringum. Við í skólanum heilsum því full bjartsýni og tilhlökkunar enda hefur það alla burði til að verða prýðilegt ár fyrir Naustaskóla og skólasamfélagið okkar. Þetta verður t.d. árið þar sem byggingafrákvæmdir við skólann hefjast að nýju, þó að það rýmki nú ekki um okkur fyrr en haustið 2012. En við höldum auðvitað áfram að vaxa og dafna, í árslok verða nemendur væntanlega komnir yfir 230 í 1.-9. bekk og starfsmenn verða um 40 talsins, það má því með sanni segja að skólinn okkar sé að verða "alvöru skóli" :) Við sem í skólanum störfum þökkum nemendum og foreldrum innilega fyrir gott og árangursríkt samstarf á liðnu ári og vonum að við getum sameiginlega haldið áfram að byggja upp góðan skóla þar sem allir skipta máli og allir leggja sitt af mörkum, þá verður lífið dásamlegt í Naustaskóla - enn eitt árið!

Ágúst skólastjóri

Foreldranámskeið um Jákvæðan aga

Í desembermánuði var kannaður áhugi meðal foreldra á tveggja kvölda námskeiði um Jákvæðan aga, í samstarfi við Naustatjörn, Glerárskóla og Hrafnagilsskóla. Undirtektir voru mjög góðar og voru samtals um 140 foreldrar sem forskráðu sig á námskeið, skiptust þeir nokkuð jafnt á skólana. Því verða haldin tvö námskeið nú í janúar, þar sem þátttakendum verður skipt í tvo hópa á hvoru námskeiði. Verða námskeiðin haldin í Naustaskóla. Þeir sem forskráðu sig fá tölvupóst þar sem þeir eru beðnir um að staðfesta skráningu, ef margir detta úr lestinni verða laus pláss auglýst um miðjan janúar.



Leiðsagnarmat

Nú geta foreldrar nálgast leiðsagnarmatið frá því í desember á fjölskylduvefnum á mentor.is. Gott er að kíkja yfir matið með börnunum og skoða hvort samræmi er í matinu milli foreldra/nemenda og kennara, og leggja á ráðin um framtíðina. Kennarar munu einnig nýta matið til að ræða við nemendur á næstu vikum. Foreldrar eru sem endranær hvattir til að hafa samband við umsjónarkennara með hvers kyns fyrirspurnir og hugleiðingar sem kunna að vakna.

Nemendur styrkja Fjölskylduhjálpinu

Eins og í fyrra slepptum við því að hafa lukkupakka á litlujólunum en þess í stað komu margir nemendur með dálitla peningaupphæð sem var safnað saman og síðan var allt saman lagt inn á reikning hjá Fjölskylduhjálpi Íslands. Að þessu sinni söfnuðust tæplega 30 þúsund krónur sem án efa koma í góðar þarfir einhvers staðar. Við þökkum nemendum fyrir þátttökuna og þann góða hug sem henni fylgir.



Við óskum nemendum og foreldrum gleðilegs árs og þökkum samstarfið á liðnu ári!



Naustaskóli við Hólmatún, 600 Akureyri

www.naustaskoli.is - naustaskoli@akureyri.is - Sími 460-4100 - Frístund sími 460-4111

Janúar 2011

Sun	Mán	Þri	Mið	Fim	Fös	Lau
	3 Starfsdagur Frí hjá nemendum Frístund lokuð	4 Matarmikil kartöflu- mauksúpa m/ hvít- lauksbrauði	5 Tómatfiskur með hrísgrjónum og salat	6 (Þrettándinn) Pasta carbonara, blandað salat Þrettándasamveru- stund í samstarfi við Naustatjörn kl. 9:30 á leikskólalóðinni	7 Hrísgrjónagrautur, brauð og álegg	8
9	10 Soðinn fiskur m/ kartöflum, rófum og tómatsósu	11 Grænmetisbuff, kartöflur, salat og sósa	12 Gulrótarfiskur, hrísgrjón og salat	13 Gullash í brúnni, kartöflur og salat Rafmagnslaus dagur 6/7. b. samveruatriði	14 Sveppasúpa, brauð og álegg	15
16	17 Soðinn fiskur m/ tómötum, gúrkum, kartöflum og laukfeiti Annaskil á smiðjum Jákv. agi námskeið hópur A kl. 17-19	18 Grænmetisúpa með nýbökðu baguette Jákv. agi námskeið hópur B kl. 20-22	19 Steiktur fiskur, kartöflur, salat og sósa	20 Pottréttur, hrísgrjón og salat 1. b. samveruatriði	21 (Bóndadagur) Skyr, brauð og álegg Ullarfátadagur	22
23	24 Soðinn fiskur m/ kartöflum, salati og tómátfeiti Jákv. agi námskeið hópur A kl. 17-19	25 Kjötbollur, kartöflur, grænar og sósa Jákv. agi námskeið hópur B kl. 20-22	26 Karryfiskur, hrísgrjón og salat 4.-5. b. á leiksýningu í Hofi kl. 10:00	27 Spaghetti Bolognese, og salat 2/3. b. samveruatriði	28 Óskamatur 4.-5. b. "Nemendadagurinn"	29
30	31 Soðinn fiskur m/ kartöflum og soðnu grænmeti	1. febrúar	2.	3 4/5. b. samveruatriði	4	

Muna: Mánudaginn 3. janúar er starfsdagur og þann dag er Frístund lokuð.

Kennsla að loknu jólaeyfi hefst skv. stundaskrá þriðjudaginn 4. janúar.

Svo er nauðsynlegt að muna að búa sig vel - það er oft kalt í janúar!!!

